

An fortè istæ leges Imperatoris vos non permittunt nostros Episcopos convenire? Ecce interim Episcopos nostros, qui sunt in regione Hipponensi, ubi à vestris tanta mala patimur, convenite! Quanto enim licentius & liberiùs ad nos per vestros vestra scripta, quàm eorum arma, perveniunt? Postremò per istos ipsos fratres nostros, quos ad vos misimus, talia rescribite. Si autem & hoc non vultis, saltem cum vestris, à quibus talia patimur, nos audire. Ostendite nobis veritatem, pro qua vos pati dicitis persecutionem; cum patiamur nos vestrorum tantam crudelitatem! Si enim nos esse in errore conviceritis, fortè conceditis nobis, ut non rebaptizemur à vobis, justum existimantes, ut nobis hoc præstetis, qui baptizati sumus ab eis, quos nullo iudicio damnastis, quod præstitistis eis, quos Felicianus Musticanus & Prætextatus Assuritanus per tam longum tempus baptizaverant, quando eos per Judicum iussa de basilicis pellere conabamini, quia Maximiano communicabant, * cum quo à vobis in concilio Bagaitano expressè nominatimque damnati sunt: Quæ omnia Gestis judicialibus & municipalibus demonstramus, ubi & ipsum concilium vestrum allegastis, dum vultis Iudicibus ostendere, quòd schismaticos vestros de basilicis pelletis. Et tamen qui ab ipso semine Abrahamæ, in quo omnes gentes benedicuntur, schisma fecistis, de basilicis pelli non vultis: non per Iudices; sicut schismaticis vestris vos fecistis; sed per Reges terræ, qui completâ prophetiâ, Christum adorant, apud quos Cæcilianum accusantes victi recessistis. Si autem * nec audire nec docere nos vultis, venite, aut mittite nobiscum in regionem Hipponensium, qui videant armatum exercitum vestrum; quamvis nullus miles numero armorum suorum calcem & acetum addidit ad oculos barbarorum. Si neque hoc vultis, saltem scribite ad illos, ut jam ista non faciant, ut jam se à cædibus nostris, à rapinis, ab excæcatione, compescant. Nolumus dicere: damnate illos: Vos enim videritis, quomodo vos non inquinent, quos modò ostendimus, in vestra communione latrones, & nos inquinent, quos nunquam potuistis ostendere, Traditores. Ex his omnibus eligite, quod volueritis. Si autem querelas nostras contemseritis, nos minimè poenitebit ordine pacifico agere voluisse. Aderit Dominus Ecclesiæ suæ, ut vos potius humilitatem nostram contempsisse poeniteat.

EPIST. LXIX.

Augustinus Restituto, quatenus mali tolerandi in Ecclesia.

Uu 2

Domni-

vid. lib. 1.
(2.) contra
Gaudent.
sub. fin.
* Al. cum
à

Gen. 22, 18.

* Al. nec
doc.